



柳田文庫  
文庫11  
D 287  
5



文庫 11  
D287  
5

本證二十五

西四行省當即此事而年分  
證遺二一會稽徐氏重栞

010190563796



元史本證卷二十五

證遺二

紹興先正遺書甲集之四

蕭山汪輝祖 男繼培補

地理志三

陝西諸道行御史臺 案紀大德三年罷延祐二年復立

陝西省奉元路 案世祖紀歲癸丑憲宗三年立從宜府于京兆

至元三年改四川行樞密院為行中書省百官志七是年

年詔四川行省賽典赤自利州還京兆 九年京兆復立行省十五年改京兆

府為安西府十六年改京兆為安西路志合二十七年立

行省于京兆百官志云自十八年京兆四川分置行省於

河西二十年罷京兆行省百官志云二十一年仍合為陝

本證二十五 證遺二 會稽徐氏重槩



互異

華州 案紀至元十二年復華州鄭縣志無鄭縣名

乾州武功縣 案紀至正四年復立武功縣廢復之故無攷

延安路安塞縣 案紀至治三年徙安塞當作塞縣於龍安驛

鄜州 案五行志二至正十九年鄜州并原縣大疫志無并

原名

興元路 案紀至元二年移秦蜀行省于興元又見八年至正十

五年立興元等處宣慰使司都元帥府于興元路

陝西漢中道肅政廉訪司 案紀延祐二年徙鳳翔

莊浪州 案紀延祐六年以莊浪巡檢司為莊浪縣當以縣

屬州

鞏昌府至元十四年復行便宜都總帥府 案紀至元二十

一年從汪惟正言仍于秦鞏州置便宜都總帥府二十五

年改為宣慰使司兼便宜都總帥府二十六年尚書省臣

言鞏昌便宜都總帥府已陞為宣慰使司以舊兼府事別

立散府調官分治從之

臨洮府 案紀泰定元年更置臨洮總管府

隴州領縣二汧源汧陽 案紀延祐四年併汧源縣入隴州

定西州 案紀至正十二年以地震改安定州十五年安定

州改立軍民安撫司

會州 案紀至正十二年以地震改會寧州

河州路 案百官志三宣政院所屬有西夏中興河州等處

軍民總管府

洮州 案百官志七洮州路有元帥府宣政院屬同

茂州汶川 案紀至大二年改松潘疊岩威茂州安撫司為

宣撫司遷治茂州汶川縣

脫思麻路 案百官志七脫思麻即脫思麻路有元帥府宣政院屬作軍

民萬戶府又有宣慰司見紀大德十一年

岷州 案百官志七岷州有元帥府

碣門魚通黎雅長河西寧下脫遠字等處宣撫司 案紀至元十

九年移成都宣慰司于碣門大德二年併土番碣門安撫

司運司改為碣門魚通黎雅長沙當作河西寧遠軍民宣撫

司百官志三作安撫司

禮店文州蒙古漢兒軍民元帥府自河州以下至此多闕其

州之類尚多載籍疎略莫能詳錄也案紀至元九年立文州大德十一年

以禮店蒙古萬戶屬土番宣慰司非便命仍舊隸脫思麻

宣慰司防守陝州百官志宣政院屬有積石州元帥府百官

志七同 朶甘思田地裏管軍民都元帥府百官志七烏思藏

納里速古魯孫等三路宣慰使司都元帥府又有十八族

元帥府及松潘客疊威茂州等處軍民安撫司後改宣撫司見上茂

州下客  
上作岩

四川等處行中書省 案紀至元三年改四川行樞密院為  
行中書省十八年京兆四川分置行省于河西百官志二  
十三年始置四川行省署當作成都紀大德三年罷四川  
等處行中書省置四川宣慰司都元帥府七年罷四川宣  
慰司立四川行中書省

成都路 案紀中統四年以阿脫商挺行樞密院于成都凡  
成都順慶潼川都元帥府並聽節制至元十六年以成都  
等路為四川西道立宣慰司十九年移成都宣慰司於礪  
門二十五年遷四川省治重慶復遷宣慰司于成都二十

七年四川行省舊移重慶復徙治成都大德二年徙重慶  
府宣慰司都元帥府於成都

嘉定府路 案紀至元二十二年復置嘉定路

廣元路元憲宗三年立利州治 案百官志陝西四川行中  
書省至元三年移治利州紀至元十六年以廣元十五年  
作利州

等路為四川北道立宣慰司十九年罷利州宣慰司

保寧府巴州至元二十年併上下通江二縣入曾口 案紀  
至元二十九年廢新得州置通江縣

順慶路 案紀至元十六年以順慶等路為四川東道立宣  
慰司十九年罷

渠州領二縣流江大竹 案紀至元二十六年省流江縣入渠州

潼川府 案紀中統四年有潼川都元帥十五年潼川設宣

慰司 即十六年順慶宣慰司

永寧路 案紀至元二十五年改西南番總管府為永寧路

至正四年有永寧宣撫司 雲南麗江路延昌路並有永寧州

重慶路 案世祖紀至元十六年重慶等路為四川南道立

宣慰司二十五年遷四川省治重慶復遷宣慰使于成都

二十七年復徙四川南道宣慰司于重慶大德二年徙重

慶府宣慰司都元帥府于成都後至元四年立重慶路墊

江縣

南川 案紀至元十二年省重慶路隆化縣入南川志失注

瀘州合江 案紀至元二十八年改合江為合江州

合州定遠 本宋地名女菁平元至元四年便宜都總帥部兵劫為武勝軍後為定遠州二十四年降為縣

案世祖紀至元四年汪良臣請立寨母章德山以當鈞魚

之衝五年改母章德山為定遠城武羣山為武勝軍女菁

萃當即武羣山其不云改母章德山為定遠城漏也

懷德府領州四 案紀至順二年四川行省招諭懷德府驢

谷什用等四洞及生蠻十二洞皆內附詔陞懷德府為宣

撫司以鎮之諸洞各設長官司及巡檢司

夔路領縣二 案紀至元四年立夔府路總帥府成開州二

十五年以清江縣隸夔路總管府 施州下云至元二十二年併清江縣入州紀所

書當是復置

梁山州 案紀中統三年以大梁府渠州路軍民總帥蒲元

圭爲東夔路經略使疑卽此梁山州元初曾爲大梁府也

敘南等處蠻夷宣撫司 案紀大德七年以敘州宣慰司改

敘州路 案紀至元二十二年復置敘州宣撫司二十三年

降敘州爲縣隸蠻夷宣撫司

馬湖路元至元十三年內附後立總管府 案紀立總管府

在至元十九年二十五年以沐川等五寨割隸嘉定者還

隸馬湖蠻部總管府後至元二年減馬湖路泥溪平夷蠻

夷夷都沐川雷坡六長官司併爲三

長寧軍 案紀泰定二年改長寧軍爲州

四十六囤蠻夷千戶所領豕蛾夷地在慶符向南抵定川古

夜郎之屬唐羈縻定州之支江縣也 案紀至元二十年

也速帶兒招撫筠連州定州等處蠻定州疑卽此

諸部蠻夷散毛洞 案紀至元三十一年散毛洞主覃順來

貢方物陞其洞爲府至正六年降詔招諭死可伐散毛洞

蠻覃全在叛招降之以爲散毛誓厓等處軍民宣撫使置

官屬百官志七有散毛洞安撫司



大江九姓羅氏 案紀泰定三年湖廣行省遣九姓長官招降叛蠻當卽大江九姓羅氏也

師壁洞安撫司 案紀至元二十八年賜師壁洞安撫司師壁鎮撫所師羅千戶所印至正十一年師壁安撫司土官田驢什用盤順府土官墨奴什用降立長官司四巡檢司七

永順等處軍民安撫司 案紀至大三年以永順保靖南渭按撫司改至正十一年改宣撫司 据紀則永順該保靖南渭而志以南渭州保靖州屬新添葛蠻安撫司隸湖廣省當是改永順等處軍民安撫司後分隸

新容米洞 案紀至正十年立四川容美洞軍民總管府卽

新容米洞

附錄

都掌蠻 案紀至元十五年內附以得蘭紐爲安撫使

鎮遠軍 案紀至元十九年阿里海牙復鎮遠軍以其地

與西川行省接就以隸焉

山齊蠻 案紀至元二十六年內附

黃沙寨 案紀至大三年立

四洞蠻夷官 案紀泰定四年紹慶路四洞酋阿者等降並命爲蠻夷官仍設巡檢司以撫之

盤速出洞 案紀至順三年來貢方物 凡僅貢方物者不知會否設官未敢

本登二十五 證遺二 七 會稽徐氏重棗

據補此與師壁散毛同貢散  
毛師壁已見于志故並錄之

盤順軍民安撫司 案紀元統二年四川大盤洞蠻謀谷  
什用遣男謀者什用來貢方物即其地立盤順府至正  
十五年罷府改司

紹熙府軍民宣撫都總使司 案順帝紀至元四年立百  
官志入所隸資普昌隆下州四處盤石內江安岳紀至  
正元  
年立四川安岳 昌元貴平下縣五處巡檢司一十三處  
縣當即此縣 六年罷

忠孝軍民安撫司 案紀至正十一年罷四川大奴管勾  
洞長官司改立忠孝軍民府十五年改司

宣化鎮南軍民府 案紀至正十五年立百官志入作宣  
化鎮南五路軍民府立提調軍民鎮撫所蠻夷軍民千  
戶所

忠義軍民安撫司 案紀至正十五年罷四川羊母甲洞  
臭南王洞長官司改立

甘肅省河西隴北道肅政廉訪司 案紀大德七年徙甘州  
甘州路至元十八年立行中書省 案紀至元三年罷西夏  
行省立宣慰司五年罷西夏宣撫司二十二年罷甘州行  
中書省立宣慰司隸寧夏行中書省二十三年立甘州行  
中書省

寧夏府路宋改中興府 案百官志中統二年立行省于中興紀至元八年立西夏中興等路行尚書省志注九年改中興等路行尚書省為行中書省十年罷中興等處行中書省百官志二十三年徙置中興省於甘州二十四年以中興府隸甘肅行省三十一年分省按治寧夏尋併歸之甘肅省志注貞元年  
領州三 案紀至元十二年于中興路改置懷遠靈武二縣分處新民志並佚

元史本證二十五

光緒十五年徐氏鑄學齋重刊

上虞王士濟校

元史本證卷二十六

證遺三

紹興先正遺書甲集之四

蕭山汪輝祖 男繼培補

地理志四

雲南省雲南諸路道肅政廉訪司

大德三年罷雲南行御史臺立肅政廉訪司

案紀至元二十七年立雲南行御史臺二十九年罷雲南

行臺徙置西川設雲南廉訪司三十年復立雲南行御史

臺大德二年罷臺置肅政廉訪司

志作三年誤

又至順二年置

雲南等處宣慰司都元帥府志亦失書

威楚開南等路領州四 案紀天曆二年有威楚路黃州土

官哀放志無黃州名

本證二十六

證遺三

一

會稽徐氏重刊

雲遠路軍民總管府元貞二年置 案紀以乞藍地置

徹里軍民總管府大德中置 案紀泰定二年置車里軍民

總管府車里即徹里疑大德所置在大徹里 見本志注 泰定所

置兼大小徹里也 是年大小車里來獻馴象

東川路至元二十八年立 案紀罷雲南四州立

曲靖等路宣慰司軍民萬戶府 案紀至元二十八年以曲

靖路宣撫司改立軍民作管軍 百官志 七同

霑益州領三縣 案順帝紀至元元年以霑益州所轄羅山

石梁交水三縣併歸巡檢司

石梁 至元十三年為縣 案紀至元二十四年復雲南石梁縣廢復

之故無攷

普定路大德七年改為路 案紀隸曲靖宣慰司今直隸省

未知何時所改

羅羅蒙慶等處宣慰司都元帥府 案志詳羅羅而略蒙慶

紀泰定四年八百媳婦蠻請官守置蒙慶宣慰司都元帥

府至正二年罷雲南蒙慶宣慰司六年復立八百宣慰司

又致和元年雲南土官撒加布降置州一隸羅羅宣慰司

德昌路軍民府二十三年罷定昌路併入德昌路 案紀罷

德平定昌二路置德昌軍民總管府今德平路之名止見

于德州下

會川路會理州 案紀大德四年併會理泗川西州爲一置  
維摩州泗川西州維摩皆不見于志

柏興府 案紀元貞二年罷雲南柏興府入德昌路

臨安廣西元江等處宣慰司兼管軍萬戶府 案紀天曆二  
年立元江等處宣慰司

大理金齒等處宣慰司都元帥府 案紀中統四年置元帥  
府于大理

永昌府 案紀至元二十二年省合刺章金齒二宣撫司爲  
一治永昌至正三年立永昌等處宣慰司 百官志入作宣  
慰使司都元帥  
府

平緬路 案紀至正十五年立平緬宣撫司

麓川路 案紀至順元年置麓川路軍民總管府

烏撒烏蒙宣慰司 案紀大德四年立烏撒烏蒙等郡縣後  
至元元年詔以烏撒烏蒙之地隸四川行省

孟定路軍民府 案紀天曆二年復立孟定路軍民總管府  
廢復之故無攷

雲龍甸軍民府 案紀泰定二年雲南白夷寇雲龍州疑卽  
雲龍甸軍民府改置

縹甸軍民府 案紀後至元元年立縹甸散府一  
孟隆路軍民府

木朶路軍民總管府 案紀泰定三年雲南行省威楚路禿  
刺寨長哀培景東寨長阿只弄男阿吾大阿哀寨主弟你  
刀木羅寨長哀卜利范施路土官阿利鎮江路土官泥囊  
弟陀金客木帖路土官邱羅大車里昭哀姪哀用孟降甸  
土官吾仲並奉方物來獻以昭哀地置木朶路一木來州  
一甸三以吾仲地置孟隆路一甸一以哀培地置甸一

附錄

建都寧遠都護府 案紀至元十一年立

呂告蠻 案紀至元十七年有呂告蠻部安撫使王阿濟  
亦奚不辭 案紀至元十九年平亦奚不辭立三路達魯

花赤畱軍鎮守二十年立亦奚不辭宣慰司益兵戍守  
開雲南驛路分亦奚不辭地爲三設官撫治之立亦奚  
不辭總管府二十九年亦奚不辭與思播州同隸湖廣  
省元貞元年以亦奚不辭復隸雲南行省

蒙樣剛等甸 案紀元貞二年復立軍民官

寧遠州 案紀至治三年置雲南寧遠州 泰定二年有寧  
遠知州添插三  
年寧遠州洞蠻刁用爲  
寇命雲南行省備之

蒲蠻 案紀泰定四年雲南蒲蠻來附置順寧府寶通州  
慶甸縣至順二年雲南威楚路之蒲蠻猛吾來朝詔爲  
置散府一及土官三十三所

安隆寨 案紀致和元年雲南安隆寨土官岑世忠與其  
兄世興相攻籍其民三萬二千戶來附置州一置縣二  
仍諭其兄弟共處立萬戶府二

銀沙羅甸等處軍民府 案紀天曆二年置銀沙羅甸等  
處宣慰司都元帥府至順二年改

景東軍民府 案紀至順二年雲南景東甸蠻官阿只弄  
遣子罕旺來朝乞陞甸爲景東軍民府從之攷泰定帝  
紀阿只弄爲開南州土官開南隸威楚路景東當在開  
南矣

孟昌路軍民總管府 案紀至順二年與孟定路並置

者線蒙慶甸軍民府 案紀至順二年與銀沙羅甸並置

孟併孟廣者樣等甸軍民長官司 案紀至順二年立

蘆傳路軍民總管府 案紀至順二年立

會通州 案紀至順三年會通州土官阿賽寇會州當作川

路祿余將引兵與茫部合寇羅羅斯截大渡河金沙江  
以攻東川會通等州志無會通名當在東川茫部之間

儼羅府 案紀元統元年立四川省諸部蠻夷有新附  
寇羅金井未審卽此地否

穆由甸

范陵甸 案紀至元元年並立軍民長官司

老告軍民總管府 案紀至元四年立



邦牙等處宣慰司都元帥府并總管府 案紀並至元四年立至正二年罷宣慰司

老了耿疎路軍民總管府 案紀至正七年立

地理志五

江浙省杭州路宋爲臨安府 案紀至元十二年三月立浙

東西宣慰司于臨安六月罷兩浙大都督府立行尙書省

于臨安二十一年徙江淮行省于杭州志有二十三年徙江

淮行省于揚州二十四年復改江浙省爲江淮行省二十

六年徙江淮省治杭州二十八年改江淮行省爲江浙等

處行中書省

左右錄事司 案紀元統二年復立杭州四隅錄事司

平江路 案紀至元二十一年徙浙西宣慰司於平江

崑山州 案紀皇慶二年徙崑山州治于大倉

江陰州 案紀至元二十八年降江陰路爲州隸常州路今

江陰直隸省未知何時所改

慶元路 案紀至治三年置慶元路嶧山縣志無嶧山名

紹興路 案紀至元十六年移紹興路宣慰司于處州至正

十六年遷江南行御史臺治紹興

温州路 案紀至元十九年徙浙東宣慰司于温州

江東建康道肅政廉訪司 案紀大德八年徙寧國

徽州路錄事司 案紀至元二十九年罷

饒州路 案紀至元十九年以饒州復隸隆興省

集慶路至元十四年陞建康路 案紀至元十五年立行中

書省於建康府

廣德路錄事司 案紀至元二十八年罷

福建道宣慰使司都元帥府 大德元年立 案紀至元二十年罷

福建道宣慰司二十二年罷福建行中書省立宣慰司隸

江西行中書省 又見二十八年當是二十二年後復立 大

德二年立軍民宣慰司都元帥府于福建 又見三年 至正十六

年改福建道宣慰使司都元帥府為福建行中書省

福州路 案紀至元十五年以隆興省併入福建十七年正

月置行中書省於福州五月福建行省移泉州二十年併

泉州行省入福建行省 志 二十二年罷省立宣慰司隸江

西 見上志云 二十六年命福建行省拜降擊賊江西 又云

福建三省其入江西後 二十八年改福建行省為宣慰司

隸江西行省二十九復立福建行省 紀二十九 年二月

福建行中書省平章政事高興 大德元年改福建省為福

建平海等處行中書省徙治泉州三年罷福建行中書省

隸江浙見闕 至正十六年復立福建行中書省 見

福寧州 案紀陞州在至元二十三年

泉州路 案紀至元十七年五月福建行省移泉州七月徙

泉州行省于隆興

志云十八年十九年皆誤  
惟二十年遷福州與紀同二十一年行

省參政管如德分省泉州大德元年以福建平海等處行

中書省治泉州

詳上

延平路至元十五年陞南劍路後改延平路 案紀延祐元

年改南劍路曰延平劍浦縣曰南平志南平下失書原名

改路之年亦漏

漳州路 案紀至元二十年復立行中書省于漳州

江西省吉安路 案紀至元二十七年移江西行省于吉州

皇慶元年改吉州路為吉安路

志作元  
貞元年

瑞州路上高 案紀至正九年罷瑞州路上高縣長官司

江州路 案百官志入至正十六年置江州等處宣慰使司

都元帥府

贛州路 案紀至元十五年以塔出等行中書省事于贛州

福建江西廣東皆隸焉十六年移贛州行省還隆興

海北廣東道肅政廉訪司 案紀至元三十年治廣州

廣州路 案紀至元三十年陞廣州為上路總管府

韶州路 案紀至元二十七年降韶州為曲江縣州既降縣

未知改隸何路然三十年又書敕以韶贛相去路遠分贛

州行院官一員鎮韶州則二十七年後當復陞州置路今

無可證矣延祐五年併翁源縣入曲江縣志亦失注

惠州路 案紀至正二十二年以山北廉訪使權置于惠州

南雄路領縣二保昌始興 案紀至元二十七年降南雄州

為保昌縣南雄未降之先保昌當廢而南雄之為路領縣

亦未知始于何時

梅州 案紀延祐四年改潮州路所統梅州隸廣東道宣慰

司是四年前屬潮州路也

元史本證二十六

光緒十五年徐氏鑄學齋重刊

上虞王士濟校

紹興先正遺書甲集之四

元史本證卷二十七

證遺四

蕭山汪輝祖男繼培補

地理志六

湖廣省常德路 案紀至元十五年置荆湖北道宣慰司于

常德路

澧州路 案紀延祐三年改澧州路安撫司當作總管府為安定

軍民府

漢陽府 案紀至元二十九年割湖廣省之漢陽隸荆湖北

道隸河南省

歸州 案紀至正十五年以湖廣歸州改隸四川行省

本證二十七 證遺四 一 會稽徐氏重校

靖州路 案紀後至元四年湖廣行省原領新化洞古州潭溪龍里洪州諸洞分隸靖州達識帖睦迺傳至正九年罷靖州路總管府改立靖州軍民安撫司設萬戶府

湖南道宣慰司 案百官志八至正元年湖南道宣慰使司兼都元帥府

衡州路衡陽 案紀後至元二年分衡州路衡陽縣立新城縣

寶慶路 案紀至正十一年立湖南元帥府分府于寶慶路靜江路 案紀至正二十三年立廣西行中書省

南寧路 案紀泰定三年仍置南寧安撫司

容州

象州

賓州

橫州 案紀大德五年降容象橫賓路為州

左江 案紀至元二十八年立左右兩江宣慰司都元帥府元貞元年罷

思明路 案紀天歷二年二月有思明路軍民總管黃克順九月有思明州至治三年亦有思明州土官黃宗永是思明為軍民

總管又設州也

來安路軍民總管府 案紀至元十四年知來安州岑從毅

等以所屬州縣溪洞來附來安州當即來安路

鎮安路 案紀至元十八年鎮安州岑從毅迫死知州李顯  
祖鎮安州當即鎮安路二十九年岑從毅老疾詔以其子  
斗榮襲佩虎符為鎮安路軍民總管是鎮安路亦軍民總  
管府也

海北海南道宣慰司 案紀大德五年作海北海南道宣慰  
司都元帥府百官志七同

海北海南道肅政廉訪司 至元三十  
十年立 案紀大德二年復立至  
元三十年後當曾罷矣

乾寧軍民安撫司 案紀元統二年改乾寧安撫司

會同縣定安縣 案紀至元二十九年敕以海南新附四州

洞寨五百一十九民二萬餘戶置會同定安二縣隸瓊州  
天歷二年陞定安縣為南康州隸海北元帥府

八番順元蠻夷官 案紀至元二十二年以荆湖行省所隸

八番羅甸隸西川行省二十六年八月以八番羅甸宣慰

司隸四川省十月隸湖廣省二十八年二月以湖廣行省

八番羅甸司復隸四川省十月割八番洞蠻自四川隸湖

廣省二十九年正月以羅甸宣慰安撫司隸雲南 即普  
定路

月合八番羅甸二宣慰司都元帥府為一改八番順元等

處宣慰使都元帥三十年省八番重設州縣官大德元年

入番順元等處初隸湖廣後改隸雲南雲南戍兵不至其屯駐舊軍逃亡者衆仍命湖廣行省遣軍代之七年以順元隸湖廣省至治二年置八番軍民安撫司改長官所二十有八爲州縣

定遠府 案紀至元二十九年八番斡羅思招附光蘭州洞蠻置定遠府

管番民總管 案紀至元二十一年罷西南番安撫司立總管府二十五年改永寧路隸四川省

金竹府古坂縣 案紀至元二十六年改四川金竹寨爲金竹府是年以八番隸四川省二十七年三月置金竹府大隘等四十

一二砦蠻夷長官九月金竹府知府掃闔言招降竹古弄古魯花等三十餘寨乞立縣設長官總把從之

都雲軍民府 案紀後至元元年平伐都雲定雲酋長寶郎天都蟲等來降卽其地復立宣撫司三年作安撫司

陳蒙 案紀至元二十八年改陳蒙洞爲陳蒙州二十九年設陳蒙爛土軍民安撫司

乖西軍民府 案紀皇慶二年隸播州宣撫司

思州軍民安撫司 案紀至元十八年改思州安撫司爲宣慰司兼管內安撫使二十一年改思播二州隸順元路宣撫司二十九年改思州安撫司爲軍民宣撫司

鎮遠府 案紀至元十八年敕鎮遠隸潭州行省

播州軍民安撫司 案紀至元十五年以鼎山仍隸播州十

六年改播州鼎山縣為播川縣二十六年改播州為播南路二十九  
年命播州隸湖廣

黃平府 案紀至元十八年敕黃平隸安西行省二十八年

洞蠻鎮遠立黃平府至治三年罷播州黃平府長官所一徙其民隸黃平

新添葛蠻安撫司 案紀至元二十八年立

平伐等處 案紀大德元年平伐九寨來降立長官司至大三年陞平伐等處蠻夷軍民安撫司後至元元年復立宣

撫司 三年作安撫司

平硃 案紀大德元年平硃 即平硃 六洞蠻及十部洞蠻皆來

降授蠻夷官二年立平硃六洞蠻夷長官司二設土官四十四員

附錄

安平州 案紀至元十四年知安平州李惟屏與知來安州岑從毅等以所屬州縣溪洞來附其地當與來安路相近

乂巴諸洞 案紀至元二十年以向世雄等為乂巴諸洞安撫大使及安撫使



中下爛土 案紀至元二十六年西南夷中下爛土等處  
洞長忽帶等以洞三百寨百一十來歸二十九年設軍  
民安撫司詳前陳蒙下

定雲府 案紀至元二十八年洞蠻爛土立定雲府後至  
元元年復立宣撫司三年作安撫司

安郡州 案紀至元二十七年柔州總管黃布蓬那州長  
羅光寨安郡州長閉光過率蠻民萬餘戶內附柔州志  
屬管番民總管那州疑卽志那羅州惟安郡州不見於  
志

一甸 案紀至元三十年西番一甸蠻酋三人來覲各授

以蠻夷軍民官

潭溪 案紀至元三十年以新附洞蠻吳動鼇爲潭溪等  
處軍民官後至元四年隸靖州

朝洞 案紀大德元年朝洞蠻內附立長官司二

唐興州 案紀延祐六年來安路總管岑世興叛據唐興  
州

入番生蠻 案紀泰定元年入番生蠻韋光正等及楊黃  
五種人以其戶二萬七千來附置長官司以撫之

上思州 案紀泰定元年黃勝許遙授沿邊溪洞軍民安  
撫司致仕其子志熟襲爲上思州知州

全茗州

茗盈州

案紀泰定三年廣西全茗州土官許文傑寇茗

盈州

八番巖霞洞

案紀泰定三年八番巖霞洞蠻來降設蠻

夷官鎮撫之

長陽縣

案紀泰定三年米洞蠻寇長陽縣湖廣行省遣

九姓長官招之

南建洞

案紀天曆二年以南建洞主王官知州事佩金

符管理軍民

壅河寨

案紀至順二年新添安撫司壅河寨主訴他部

獠獠蹂其禾

新化洞

案紀後至元四年湖廣行省元領新化洞古州

潭溪龍里洪州諸洞三百餘處洞民六萬餘戶分隸靖

州今龍里寨隸管番民總管古州洪州隸思州軍民安

撫司惟新化與潭溪見前二洞不見於志

永懷縣

案紀至正十二年永懷縣賊陷桂陽

征東等處行中書省

案紀至元二十年立征東行中書省

二十二年又立征東行省志第書大德立省餘皆漏

耽羅軍民總管府

大德五年立

案紀至元二十一年立耽羅國

安撫司總管府當由安撫司改

案泰定帝紀元年鎮遠府河州集州饑鎮遠府在湖廣河  
州卽陝西河州路惟集州不見於志疑亦在陝西又趙阿  
哥潘傳皇子闊端鎮西土承制以阿哥潘爲壘州安撫司  
壘州亦不見於志附識於此

元史本證卷二十七

光緒十五年徐氏鑄學齋重刊

上虞王士濟校

紹興先正遺書甲集之四

元史本證卷二十八

證遺五

蕭山汪輝祖 男繼培補

河渠志一

通惠河 案紀至元十六年六月以通州水路淺舟運甚難  
命樞密院發軍五千仍令食祿諸官雇役千人開浚以五  
十日訖工十七年二月發侍衛軍三千浚通州運糧河此  
並失書又二十九年八月用郭守敬言浚通州至大都漕  
河十有四役軍匠二萬人又鑿六渠灌昌平諸處卽志所  
云首事于至元二十九年之春者而鑿六渠灌昌平却不  
書三十一年八月以大都畱守段眞平章政事范文虎監

本證二十八 證遺五

會稽徐氏重刊

浚通惠河給二品銀印延祐六年十月天歷二年八月俱  
浚通惠河志亦皆失書

雙塔河 案紀至元元年二月發北京都元帥阿海所領軍  
疏雙塔漕渠

渾河 案紀至元六年十二月築東安渾河隄二十五年四  
月渾河決發軍築隄捍之大德六年正月築渾河堤長八  
十里

御河 案紀至元二十六年二月浚滄州御河

灤河 案紀大德七年五月濬上都灤河

會通河至元二十六年壽張縣尹韓仲暉太史院令史邊源

相繼建言開河置牐 案紀二十五年十月桑哥言安山

至臨清爲渠二百六十五里若開浚之爲工三百萬當用

鈔三萬錠米四萬石

志作四百石誤

鹽五萬斤其陸運夫萬三千

戶復罷爲民其賦入及芻粟之估爲鈔二萬八千錠費略

相當然渠成亦萬世之利請以今冬備糧資來春浚之制

可是安山開渠始于桑哥之奏也至大三年二月延祐六

年閏八月泰定四年正月俱浚會通河

河渠志三

金口河至正二年正月興工至四月功畢 案紀深五十尺  
廣一百五十尺役夫一十萬

祭祀志五

太社太稷延祐六年改用中戊 案紀元統二年八月丙辰朔戊午祭社稷至元元年二月戊寅朔祭社稷則延祐以後仍用上戊也

宣聖其日用春秋二仲月上丁有故改用中丁 案紀延祐六年二月改釋奠於中丁天曆二年七月遣使以上尊腊羊鈔十錠至大都國子監助仲秋上丁釋奠則仍用上丁也

詣充國公神位前至位曰東向立點視畢曰詣鄒國公神位前 案上云延祐三年以曾子顏子配享此無鄒國公沂

國公位蓋猶仍延祐前禮未及增正也

祭祀志六

至正親祀南郊 案紀至正十五年十一月壬辰親祀上帝於南郊以皇太子愛猷識理達臘爲亞獻攝太尉右丞相定住爲終獻

至正親祀太廟 案紀至正十六年正月戊子親享太廟 選舉志一

科目 案紀至順元年正月中書省臣言科舉會試日期舊制以二月一日三日五日近歲改爲十一十三十五請依舊制從之

學校 案紀大德八年四月分教國子生於上都 至順元  
年十二月國子生積分及等者臺省集賢院奎章閣官同  
攷試中式者以等第試官不中式者復入學肄業 至元  
六年十二月復科舉取士制國子監積分生員三年一次  
依科舉例入會試中者取一十八名

選舉志二

銓法上凡憲臺選用 案紀後至元三年詔省院臺部宣慰  
司廉訪司及部府幕官之長並用蒙古色目人

凡選舉守令 案紀至正四年詔定守令黜陟之法六事備  
者陞一等四事備者減一資三事備者平遷六事俱不備

者降一等

凡進用武官 案紀至元二十一年定擬軍官格例以河西  
回回畏吾兒等依各官品充萬戶府達魯花赤同蒙古人  
女直契丹同漢人若女直契丹生西北不通漢語者同蒙  
古人女直生長漢地同漢人

凡諸王分地 案紀天曆二年令諸王封邑達魯花赤推擇  
本部年二十五以上識達治體廉慎無過者以充或有冒  
濫罪及王傅 至元五年詔諸王位下官毋入常選

凡入粟補官 案紀泰定二年以郡縣饑募富戶入粟拜官  
二千石從七品千石正八品五百石從八品三百石正九

品不願仕者旌其門 三年敕入粟拜官者准致仕銓格  
至正十二年中書省臣請行納粟補官之令凡各處土  
庶果能爲國宣力自備糧米供給軍儲者照依定擬地方  
實授常選流官依例陞轉封廕及已除茶鹽錢穀官有能  
再備錢糧供給軍儲者驗見授品級改授常流從之

選舉志三

銓法中凡遷調 案紀至正十五年中書省臣言江南盜賊  
阻隔所在闕官宜遣人與各省及行臺官以廣東廣西海  
北海南三品以下通行遷調五品以下先行照會之任江  
浙行省三年一次遷調福建等處闕官亦依前例從之

凡保舉職官 案紀元統二年命臺憲部官各舉材堪守令  
者一人 至正八年詔京官三品以上歲舉守令一人守  
令到任三月亦舉一人自代 十二年詔隨朝一品職事  
及省臺院六部翰林集賢司農太常宣政宣徽中政資正  
國子祕書崇文都水諸正官各舉循良材幹智勇兼全堪  
充守令者二人知人多者不限員數 十六年命六部大  
司農司集賢翰林國史兩院太常禮儀院祕書崇文國子  
都水監侍儀司等正官各舉才堪守令者一人不拘蒙古  
色目漢南人從中書省斟酌用之

凡官吏遷敘 案紀大德八年中書省臣言自內降旨除官

者果爲近侍宿衛踐履年深依已除敍嘗宿衛未官者視散官敍始歷一攷準爲初階無資濫進降官二級官高者量降各位下再任者從所隸用三任之上聽入常調蒙古人不在此限從之

凡官員便養 案紀後至元四年詔內外廉能官父母年七十無侍丁者附近銓注以便侍養

銓法下凡補用吏員 案紀至治三年定吏員出身者秩正四品

百官志一

志序云因事而置事已則罷與夫異端襍流世襲之屬名

類實繁亦姑舉其大概然則官之見於紀而志不載者不得概謂之遺也故自中統訖至順如鐵冶銀場淘金權茶諸名何啻三百大抵置罷不常若總教廣教白雲印經之類異端不足算矣今就志之有名者補其佚事無名而有所隸者附之或所隸不詳而職事相近者亦依類錄焉

左丞相右丞相 案紀大德七年詔中書省設官自左右丞相以下平章二員左右丞各一員參知政事二員定爲八府

左司郎中

右司郎中中統元年置左右司 案紀至元九年正月仍設



左右司省六部爲四改稱中書十一月併中書省左右司  
爲一是九年前曾罷左右司也至大二年併中書省左右  
司

客省使 案紀至大三年增置尙書省客省使副各一員

檢校官四員正七品 案紀至元二十八年置中書省檢校  
官二員此云四員未知何時所增

直省舍人 案紀至大三年增置尙書省直省舍人十四員

附錄

制國用使司 案紀至元三年立以阿合馬爲使中書右  
丞張易同知司事張惠爲副使七年立書省罷制國

用司順帝至元六年亦有制國用司官

吏部尙書三員正三品 案紀至元二十一年陞六部爲二  
品志俱云三品未知何時所改大德元年增吏部尙書一  
員至大二年增吏部郎中員外郎主事各一員

戶部 案紀至大二年增侍郎員外郎各一員

司計官四人 案紀至元二十八年增置正七品

諸路寶鈔提舉司至元始設交鈔提舉司 案世祖紀憲宗  
癸丑立交鈔提舉司蓋在京兆至元八年罷諸路交鈔都  
提舉司

大都宣課提舉司至元十九年併大都舊城兩稅務爲大都

稅課提舉司 案紀是年減大都稅官十四員爲十員二十九年詔大都事繁課稅改隸轉運司

京畿都漕運使司新運糧提舉司 案紀延祐三年改爲京畿運糧提舉司

都漕運使司 案紀至元二十年濟州新開河成立都漕運司二十五年改濟州漕運司爲都漕運司併領濟之南北漕京畿都漕運司惟治京畿志作二十四年二十六年罷濟州泗汶漕運使司

大都河間等路轉運鹽使司 案紀至元十六年詔大都河間山東管鹽運司並兼管酒醋商稅等課二十二年復分

河間山東鹽課轉運司爲二二五年以河間等路鹽運司兼管順德廣平綦陽三鐵冶大德五年罷所屬清滄深三鹽司七年併大都鹽運司入河間運司其所掌京師酒稅課令戶部領之泰定二年改河間鹽運司爲大都河間等路都轉運鹽使司

三义沽場

蘆臺場

越支場 案紀至元十九年立蘆臺越支三义沽鹽運使司未知罷於何時至二十五年復置

山東東路轉運鹽使司 案紀後至元四年山東鹽運司於

濟南歷城立濱洛鹽倉東西二場

世祖時嘗與河間合置詳上

河東陝西等處轉運鹽使司

案紀延祐六年增判官一員

給分司印二置提領所二秩從八品官各二員鹽場二增

管勾各二員志所載卽延祐制也然止一解鹽場管勾一

員同管勾一員與紀異

附錄

泉府司

案紀至元十七年置掌領御位下及皇太子皇

太后諸王出納金銀事二十一年省入戶部二十二年

復立秩從二品至大四年罷

禮部

案紀至大二年增侍郎郎中各一員

侍儀司

案百官志四太常禮儀院至元十三年以侍儀司

併入太常寺二十年復置

儀鳳司

案紀延祐元年降儀鳳卿爲儀鳳大使是儀鳳嘗

置卿矣

雲和署至元十二年始置至大二年撥隸玉宸樂院

案紀

至元二十三年省雲和署入教坊司未知何時復置

安和署

案紀至元二十五年罷二十七年復立從六品

教坊司

案紀至元十六年併教坊司入拱衛司延祐元年

改提點教坊司爲大使

祥和署

案紀至大四年置掌伶人

會同館至元二十五年罷之二十九年復置 案紀至元二十五年改會同館爲四賓庫二十九年罷四賓庫復會同館志於此下云其屬有收支諸物庫至元二十九年以四賓庫改置却失書置四賓庫事

兵部 案紀至大四年四月罷通政院以其事歸兵部增置尙書員外郎各一員十一月增置侍郎郎中各一員工部司程官四員 案紀至元二十八年增置正七品隨路諸色民匠都總管府秩正三品掌仁宗潛邸諸色人匠案紀至大元年立皇太子位人匠總管府秩正三品疑卽此官

受給庫秩正八品至元十三年置 案紀延祐五年立受給庫秩九品隸工部當是復置

元史本證二十八

光緒十五年 徐氏鑄學齋重刊  
上虞王士濟校

元史本證卷二十九

證遺一

紹興先正遺書甲集之四

蕭山汪輝祖 男繼培補

百官志二

行樞密院 案紀至元二十八年罷各處行樞密院入行省

天歷二年置平四川也至順元年置討雲南也

江南行樞密院 案紀至元二十一年立江淮行樞密院治

建康二十三年併江南行樞密院四處入行省二十八年

立江淮行樞密院治廣德軍五月徙建康

至元十年罷山東行院 案紀至元九年改山東東路都元

帥府統軍司為行樞密院

二十二年立江西行院 案紀至元二十七年詔罷江西行  
樞密院二十八年二月立江西行樞密院治汀州七月徙  
治贛州三十一年併入行省

二十八年徙岳州行院於鄂州 案紀至元二十一年立荆  
湖行樞密院治鄂州二十八年二月立湖廣行樞密院治  
岳州四月徙鄂州三十一年併入行省

附錄

行樞密院都鎮撫司 案紀至元二十二年立

右衛 案紀至元八年置左右中三衛親軍都指揮使司志  
惟中衛載是年置都指揮使左右衛皆失書

右衛弩軍千戶所 案其屬有都目見食貨志四

隆鎮衛親軍都指揮使司皇慶元年陞隆鎮萬戶府爲隆鎮  
衛 案紀隆鎮萬戶府至大四年置

延安屯田打捕總管府 案紀至元二十五年以延安屯田  
總管府復隸安西省今隸樞密院

忠翊侍衛行軍千戶所 案其屬有知事見食貨志四

左翊蒙古侍衛親軍都指揮使司 案紀至大四年增置左  
翼右翼指揮使各一員

虎賁親軍都指揮使司至元十六年立 案紀至元二十五  
年立虎賁司復改爲武衛司豈別一官耶然至大四年減

虎賁司職員與志至大四年省都指揮使九員相合疑志有脫誤

附錄

西川蒙古軍都元帥府 案紀元貞元年立徑隸樞密院

鳳翔蒙古萬戶府 案紀大德二年置

宣忠幹羅思扈衛親軍都指揮使司 案紀至順元年置

宣忠扈衛親軍都萬戶府秩正三品總幹羅思軍士隸

樞密院二年改今名

宣毅萬戶府 案紀至順二年改阿速萬戶府為宣毅萬

戶府

大都督府管領左右欽察兩衛龍翊侍衛東路蒙古軍元帥府東路蒙古軍萬戶府 案紀至順元年改東路蒙古軍元帥府為東路蒙古侍衛親軍指揮使司

御史臺 案紀至元七年陞御史大夫秩正二品志云至元二十一年陞大夫為從一品中丞為正三品二十七年大夫以下品從各陞一等大德十一年陞中丞為正二品攷紀至元七年陞御史大夫秩正二品二十七年陞品止有侍御史治書侍御史而不及大夫中丞大德十一年陞御史臺從一品俱與志不合疑志二十一年下大夫為從一品六字當在大德十一年之下其不云至元七年陞正二品則漏也元貞二年增置御史二員

殿中司 案紀大德三年陞五品

江南諸道行御史臺 案紀至元二十六年復徙揚州  
至元二十三年以淮東淮西山南三道撥隸內臺 案紀在  
二十二年至二十四年復隸行臺

大德元年定爲江南諸道行御史臺 案紀大德三年滅江  
南諸道行臺御史大夫一員

陝西諸道行御史臺至元二十七年始置雲南諸路行御史  
臺大德元年移雲南行臺於京兆爲陝西行臺而雲南改  
立廉訪司 案紀至元二十九年罷雲南行臺徙置西川  
設雲南廉訪司三十年復立雲南行御史臺大德二年罷  
雲南行御史臺置肅政廉訪司三年罷陝西行御史臺七

年復立陝西行御史臺

肅政廉訪司 案紀至元二十年五月省北京提刑按察司  
副使僉事各一員志無北京按察司未詳十月各道提刑  
按察司增設判官二員二十二年正月置行御史臺以其  
所屬按察司隸御史臺 志云二十三年誤 二月復立按察司二十  
三年罷諸道提刑按察司判官大德九年五月改各道肅  
政廉訪司爲詳刑觀察使十月復以詳刑觀察司爲廉訪  
司

淮西江北道 案紀大德十年復淮西道廉訪司

至元二十三年罷雲南道 案紀二十六年復立雲南提刑



按察司

每道副使二員僉事四員 案紀至元十六年各道按察司  
增副使僉事各一員兼職勸農水利事二十七年增提刑  
按察司僉事二員總勸農事志第書改廉訪司後事亦略  
百官志三

大宗正府 案紀至元十七年阿合馬請立大宗正府蓋十  
五年以前止札魯忽赤怯辭人員奉旨署事無一定頒受  
宣命之官至是始定官名而志遺之至大四年裁宗正府  
官為二十八員 百官志入云仁宗時  
減去大字當在此時  
大司農司至元七年始立十八年改立農政院 案紀至元

七年二月立司農司十二月改為大司農司十八年改大  
都南陽真定等處屯田孛蘭奚總管府為農政院十九年  
罷

永平屯田總管府所轄昌國濟民豐贍三署 案紀至元二  
十四年立秩五品

翰林兼國史院 案紀至大四年制定承旨五員學士侍讀  
侍講直學士各二員

延祐元年別置回回國子監學 案紀至元二十六年設回  
回國子學延祐四年立回回國子監七年罷回回國子監  
蒙古翰林院蒙古國子監延祐七年復降為從三品 案紀

在是年三月至四月復正三品

集賢院國子學至元二十四年定置生員額二百人伴讀闕

四年生員三百人延祐二年增置生員一百人伴讀二十

人案紀至元二十四年作生員百二十人蒙古漢人各

半大德八年增置國子生二百員至大三年增國子生為

三百員四年定國子生額為三百人仍增陪堂生二十人

通一經者以次補伴讀延祐二年增國子生百員歲貢伴

讀四員

興文署案紀至元二十七年復立掌經籍版及江南學田

錢穀

宣徽院案紀至元四年六月罷宣徽院八月復立宣徽院

七年改宣徽院為光祿司秩正三品至大四年省宣徽院

參議斷事官

光祿寺後復正三品案紀在泰定二年

尚舍寺案紀至順元年陞正三品三年陞從三疑當作二

降品或陞當作

尚食局案紀中統二年立

尚牧所至大四年始置案紀掌太官羊

附錄

仁虞院秩正一品案紀至大元年立鷹坊為仁虞院四

年罷仁虞院復置鷹坊總管府至順元年改打捕鷹坊  
總管府為仁虞都總管府至正十五年復設仁虞總管  
府

尙膳院秩三品 案紀至元十四年置

掌薪司 案紀大德八年置以供尙食令宣徽掌其事當與

禮部所屬掌薪  
司別是一官

太禧宗禋院 案順帝紀至元六年罷又至順元年太禧宗

禋府所隸總管府各置副達魯花赤一人志亦未詳

附錄

司禮監正三品掌巫覡 案紀至大三年立四年五月罷

閏七月復置皇慶元年罷百官志入云至正元年奉旨  
依世祖故事復立司禮監則

世祖時已  
有此官矣

田賦提舉司 案紀至大三年立規運都總管府後改隆禧  
總管府

置提舉司資用庫大益倉隸之志以田賦提舉司與資用

庫並列則卽紀所云提舉司也大益倉志無名殆後有改

置而志遺之

崇祥總管府 案紀延祐七年罷

永福營繕司 案紀延祐五年置大永福寺都總管府秩三

品當是置而旋罷故志不載六年以大乾元寺提點所為

總管府秩正三品七年罷亦不見於志

昭孝營繕司天歷元年立壽安山規運提點所三年改昭孝營繕司案紀至順二年以太禧宗禋院所隸昭孝營繕司隸崇禧當作祥總管府

隆祥使司案紀至順元年立益都廣農提舉司及益都般陽寧海諸提領所並隸隆祥總管府二年罷益都等處廣農提舉司改立田賦總管府秩從三品仍令隆祥總管府統之

壽福總管府案紀延祐二年立廣貯庫秩七品置官二員隸壽福院

延聖營繕司初立天源營繕提點所案紀泰定元年降大

天源延聖寺總管府為提點所致和元年大天源延聖寺顯宗神御殿成置總管府以司財賦

元史本證二十九

光緒十五年徐氏鑄學齋重刊

上虞王士濟校

紹興先正遺書甲集之四

元史本證卷三十

證遺七

蕭山汪輝祖 男繼培補

百官志四

太常禮儀院太廟署掌宗廟行禮兼廩犧署事至元三年始  
置 案紀至大二年立太廟廩犧署設令丞各一員  
郊祀署大德九年始置掌郊祀行禮兼廩犧署事令二員丞  
二員 案紀是年設郊祀署令丞各一員太祝三員奉禮  
郎二員協律郎一員法物庫官一員今令丞各二員與紀  
不合疑一員是  
掌廩犧署太祝等官亦失書

典瑞院 案紀至大四年復典瑞院爲典瑞監又後至元元

年罷典瑞提舉司志無提舉司亦疑漏

太醫院 案紀至元五年以太醫院隸宣徽院二十二年陞

尚醫監為太醫院職三品

奎章閣 案紀後至元六年罷

屬官授經郎二員 案紀天曆二年設職正七品

羣玉內司 案紀天曆二年更司籍郎為羣玉署秩正六品

至順元年陞羣玉署為羣玉內司又後至元元年罷羣玉

提舉司志無提舉司亦疑漏

附錄

宏文院 案紀太宗八年立經籍所於平陽至元三年徙

平陽經籍所於京師四年改宏文院

侍正府奉御 案紀至大元年立尚冠尚衣尚鞞尚沐尚輦

尚飾六奉御秩五品凡四十八員隸尚服院志惟載天曆

時所置而此則遺之

附錄

尚服院秩從一品 案紀至大元年立秩從二品設尚冠

尚衣尚鞞尚沐尚輦尚飾六奉御隸焉

詳上

三年陞秩

給事中至元十五年改陞給事中 案紀至元九年罷給事

中是九年前卽有此官也

將作院秩正二品 案紀大德十一年陞從二品志所書蓋

延祐以後所陞也

上都金銀器盒局 案紀至元二十五年省器盒局入諸路  
金玉人匠總管府未審卽此局否

大都等路民匠總管府織佛像提舉司延祐四年改提領所  
爲提舉司 案紀延祐三年置織佛像工匠提調當作所  
秩七品設官二員

附錄

織造段正提舉司 案紀至元二十九年置

通政院 案紀至大三年省通政院官六員存十二員

中政院元貞二年始置中御府大德四年陞中政院至大四

年省併入典內院皇慶二年復爲中政院 案紀大德元  
年增中御府官一員至大三年改皇太子妃怯憐口都總  
管府爲典內司四年陞典內司爲典內院秩從三品皇慶  
元年陞典內院秩正二品二年改典內院爲中政院秩正  
一品又寧宗紀至順三年十月立中政院是皇慶後曾罷  
矣

中瑞司秩正三品 案紀至大三年立掌皇后寶皇慶二年  
又書立中瑞司秩正四品疑別是一官

內正司秩正三品卿四員少卿二員丞二員典簿二員照磨  
兼管勾一員 案紀皇慶元年三月置卿少卿丞各一員

七月定內正司官爲六員與志不合未審何時改今制

翊正司領提舉司二 案紀後至元元年罷提舉司

海西遼東哈思罕等處鷹房諸色人匠怯憐口萬戶府 案

紀延祐二年立

管領本位下怯憐口隨路諸色民匠打捕鷹房都總管府延

祐三年改善政司 案紀七年復善政司爲都總管府

附錄

崇輝署 案紀至大三年立隸中政院

銀場提舉司 案紀至順二年立隸中政院

興瑞司秩正三品 案紀至順三年置掌中宮佛事

百官志五

儲政院 案紀至大元年二月改詹事院使爲詹事副詹事

爲少詹事院判爲丞七月置皇太子司議郎秩正五品三

年改少詹事爲副詹事延祐四年置詹事院從一品太子

詹事四員副詹事詹事丞並二員天曆二年改儲慶使司

爲詹事院有斷事官

泰定元年罷徽政院 案至順三年復立見寧宗紀

典幄署 案紀至大元年立秩正五品

府正司秩從三品 案紀至大二年陞從二品

資武庫



冀當作驥用庫 案紀並至大元年立秩正五品

延慶司秩正三品 案紀至大四年改延慶司為都功德使

司延祐四年置延慶司設官四員元年陞延慶寺秩正七二品疑別是一官

年復正三品是年三月當降四品

典醫監大德十一年復立典醫監泰定四年復立署 案紀

大德十一年秩正三品泰定在三年秩從五品

甄用監正三品 案紀延祐七年復正三品是年三月當降四品

章慶使司 案紀至大三年立瑞州等路營田都提舉司秩

從四品隸章慶使司

掌醫監至治三年罷 案紀至順元年立掌醫署秩正五品

蓋復立此官也

瑞州上高縣戶計長官司至治三年罷 案紀至正九年罷

瑞州路上高縣長官司是至治後又重置矣

附錄

宮師府 案紀至元十年置東宮宮師府詹事以次官屬

三十八人大德十一年置宮師府設太子太師少師太

傅少傅太保少保賓客左右諭德贊善庶子洗馬率更

令丞司經令丞中允文學通事舍人校書正字等官至

大二年罷宮師府設賓客諭德贊善如故

典樂司 案紀至大元年正月立承和署秩正五品與典

本證三冊 證遺七 五 會稽徐氏重棗

同六月改爲典樂司秩正三品二年改典樂司提點大使等官爲卿少卿丞

營繕署秩五品 案紀至大元年以皇太子建佛寺立

管領軍匠千戶所秩正五品 案紀至大三年立割左都

威衛軍匠八百隸之備興聖宮營繕

異樣局秩從六品 案紀天曆元年以潛邸所用工匠百五

十人付皇子阿忒納荅刺立局以司之

管領怯憐口諸色民匠都總管府至治三年罷 案紀是年

罷三都總管府隸有司怯憐口及人匠總管府隸陝西行

中書省今惟怯憐口都總管府書至治三年罷餘皆失書

江淮等處財賦都總管府大德四年罷天曆二年復立 案

紀至大二年立興聖宮江淮財賦總管府志失書天曆二

年置隸詹事院

建康等處財賦提舉司

平江等處財賦提舉司

杭州等處財賦提舉司 案紀並後至元元年罷

建康作集慶

昭功萬戶都總使司宮相都總管府 案紀至順二年敕宮

相都總管府勿隸昭功都總使府是年立平江稻田提舉

司隸宮相都總管府

金玉珠翠提舉司 案紀後至元元年罷

內史府 案紀大德元年增晉王內史一員至大元年陞內史府爲內史院秩正二品延祐三年置晉王部斷事官四員都水太監二員省卿一員

延慶司秩正三品 案紀至大三年陞晉王延慶司秩二品

附錄

河南田賦總管府達魯花赤總管同知各一員副總管二員秩從三品 案紀延祐六年置隸內史府

周王常侍府 案紀延祐三年三月送周王之雲南置周王常侍府秩正二品設常侍七員中尉四員諮議記室各二員置打捕鷹坊民匠總管府設官六員斷事官八

員延福司飲膳署各官六員並隸周王常侍府四月增置周王斷事官二員

隨路打捕鷹房諸色民匠總管府掌北安王位下歲賜錢糧之事至元二十二年置 案紀至元十年給皇子北平王卽北安王甲一千置軍器永盈二庫分典弓矢甲冑二十四年設都總管府以總皇子北安王民匠斡端大小財賦

附錄

安西王阿難荅本位諸匠都總管府 案紀至元二十四年設

諸王斡羅溫孫部打捕鷹坊諸色人匠怯憐口總管府秩

本證二十七  
從四品 案紀延祐五年立

趙王馬札罕部錢糧總管府秩正三品 案紀至治元年立

諸王傳官 案紀皇慶元年制諸王設王傳六員其次設官四員又至元二十年命諸王牙忽都設斷事官蓋非常例也

崇福司秩二品至元二十六年置延祐二年改為院 案紀至元二十六年立秩從二品延祐二年陞院秩正二品七年降從二品 案紀至元二十六年置各官六員並秩正二品

元史本證三十八

光緒十五年 徐氏 鑄 學 齋 重 刊

上虞王士濟校

本證三十一 證遺七

八 會稽徐氏重刊

元史本證卷三十一

紹興先正遺書甲集之四

證遺八

蕭山汪輝祖 男繼培補

百官志六

大都留守司至元十九年罷宮殿府行工部置大都留守司  
 兼本路都總管知少府監事 案志不詳宮殿府少府監  
 紀中統三年汰少府監工匠則置官早矣二年立宮殿府  
 秩正四品專職營繕至元八年併宮殿府入少府監  
 修內司提點一員 案紀至元四年立提點宮城所  
 大都城門尉 案紀至元二十二年增大都諸門尉副各一  
 人

器備庫 案紀至元二十八年罷

廣誼司 案紀元統二年罷廣誼司復立覆實司

武備寺至元五年始立軍器監大德十一年陞爲院 案紀

至元五年改軍器局爲軍器監大德十一年陞院秩從二品泰定四年復設武備寺同判六員

大都甲匠提舉司 案紀至元二十六年改大都路甲匠總

管府爲軍器人匠都總管府二十八年罷疑是此司改置

太僕寺至元二十四年罷院立太僕寺 案紀秩三品仍隸

宣徽二十七年命太僕寺毋隸宣徽院

尙乘寺 案紀大德元年增寺卿一員泰定二年復正三品

長秋寺怯憐口諸色人匠提舉司 案紀至順元年復立仍

隸中政院

太府監 案紀至元二十九年設司籍庫秩從五品隸太府

監儲物之籍入者元貞元年罷

度支監國初置亭可孫至元十三年省亭可孫以宣徽兼其任至大二年改立度支院四年改爲監 案紀大德九年

省亭可孫冗員存十二員是至元十三年後又省矣至大

二年從尙書省請廢亭可孫立度支院秩二品設使同知

僉院僉判各二員志於二年失書秩設官亦不同當是改

監後所定也

利用監秩正三品至元二十六年復置大德十一年改為院

案紀至元二十六年陞利用監從三品二十九年陞正

三品大德十一年陞院秩從二品

中尙監至大元年陞為院 案紀秩從二品

章佩監至元二十二年置 案紀是年陞御帶庫為章佩監

二十八年陞章佩監秩三品至正十二年有章佩添設少

監

都水監至元二十八年置大德六年陞正三品延祐七年仍

從三品 案紀至元七年以都水監隸大司農司是七年

前已置都水監也二十九年仍置都水監少監丞經歷知

事共八員皇慶元年以都水監隸大司農前此當隸中書延祐三

年增置太監二員省卿一員七年二月復以都水監隸中

書三月降從三品四月復正三品

附錄

漕運河渠司 案紀中統四年立

河渠提舉司 案紀至元二十五年改為轉運司

會通河提舉司 案紀至元二十六年置職河渠事二十

七年立會通汶泗河道提舉司從四品

四天監延祐元年特陞正三品 案紀是年陞臺為監

上都畱守司 案紀至元二十七年增副畱守判官各一員

至大三年省司官七員延祐七年汰畱守五員至治三年  
增置判官二員泰定三年增置判官一員兼推官

附錄

上都等路羣牧都轉運使 案紀至元二十二年立

兵馬司局 案紀至大四年省上都兵馬指揮爲五員

警巡院

開平縣 案紀延祐六年院縣增置官各二員

餼廩司延祐五年改 案紀秩正八品

尚供總管府 案紀泰定四年隸上都畱守司至正十五年

復設

附錄

奉時院 案紀至大二年以昔保赤八剌哈孫總管府改  
置

雲需總管府延祐二年置 案紀是年七月增同知二員泰  
定四年隸上都畱守司至正十五年復設

大都路兵馬都指揮使司 案紀延祐五年增置南北兩兵  
馬司指揮使色目漢人各二員

百官志七

行中書省 案紀至元元年立諸路行中書省七年改河南  
等路及陝西五路西蜀四川東京等路行中書省爲行尚



書省九年改北京中興四川河南四路行尚書省爲行中書省志皆失書至大四年命和林江浙行省依前設左丞相餘省惟置平章二員然延祐三年以知樞密院事禿忽魯爲陝西左丞相七年復罷行中書省丞相河南湖廣遼陽丞相並降爲本省平章惟征東丞相高麗王不降迨泰定以後行省左右丞相又屢見於紀此則志所云或置或不置者也

有簽省同簽省之屬後罷不置 案罷僉省在大德七年紀至

元二十八年有湖廣行省左右司郎中是行省當有左右司志無此官未知何時所省

河南河北等處行中書省 案紀至元十年罷元貞二年增

參政一員

江西等處行中書省 案紀元貞二年增參政一員

陝西等處行中書省 案證詳地理志三

四川等處行中書省 案證詳地理志三

甘肅等處行中書省 案證詳地理志三

雲南等處行中書省至元十一年始置 案紀大德五年分

雲南諸路行中書省事仍置理問官二員郎中員外郎都

事各一員又愛魯傳至元十七年復立雲南行省拜參知

政事似十一年後曾罷矣

各省屬官檢校所 案紀元貞元年置江浙行省檢校官二

員泰定四年初置雲南檢校官至正三年立四川省檢校官

宣慰司 案紀中統三年立又地理志湖廣省有沿邊溪洞宣慰使司

宣慰使司都元帥府 案紀大德二年徙重慶府宣慰司都

元帥府於成都至順二年置雲南等處宣慰司都元帥府

百官志三宣政院屬有吐蕃等處宣慰司都元帥府地理志陝

西省同 烏思藏納里速古魯孫等三路宣慰使司都元帥府

宣慰使兼管軍萬戶府 案紀至元二十五年改雲南烏撒

宣撫司為宣慰司兼管軍萬戶府地理志雲南省作烏撒烏蒙宣慰司本志宣慰

使司下亦無烏撒

宣撫司 案紀大德二年併土番碯門安撫司運司改為碯

門魚通黎雅長沙當作河西寧遠軍民宣撫司地理志陝西省同百官志

宣政院屬至大二年改松潘疊岩威茂州安撫司為宣撫

司至正四年有永寧等兩宣撫司地理志雲南省有金齒

等處宣撫司

安撫司 案地理志湖廣省有慶遠南丹溪洞等處軍民安

撫司乾寧軍民安撫司元統二年改乾寧安撫司見紀

招討司 案百官志宣政院屬有六番招討使司朶甘思招

討使司

兩浙都轉運鹽使司設檢校四所鹽場三十四所 案紀延祐六年置兩浙鹽倉六所秩從八品官二員惟杭州嘉興二倉設官三員秩從七品鹽場三十四所場設鹽運一員秩正八品罷檢校所至正二年杭州嘉興紹興温州台州等路各立檢校批驗鹽引所

福建等處都轉運鹽使司 案紀至元二十年罷福建市舶總管府存提舉司二十一年立福建等處鹽課市舶都轉運司餘詳證誤

市舶提舉司至元二十三年立鹽課市舶提舉司隸廣東宣慰司延祐元年改立泉州廣東慶元三市舶提舉司 案

紀至元二十三年十一月改廣東轉運市舶提舉司爲鹽課市舶提舉司十二月復置泉州市舶提舉司至治二年復置市舶提舉司於泉州慶元廣東市舶則屢罷屢置志亦未詳

海道運糧萬戶府 案紀至元二十六年海船萬戶府乞罷膠萊海道運糧萬戶府二十七年罷海道運糧萬戶府二十八年罷海道運糧鎮撫司大德七年併海道運糧萬戶府爲海道都漕運萬戶府至大四年省海道運糧萬戶爲六員千戶爲七所皇慶元年省萬戶一員增副萬戶爲四員

諸路總管府 案紀至元十六年各路設提舉同提舉副提舉各一員專領課程

蒙古教授 案紀至元七年設蒙古字學教授元貞元年增置蒙古學正以各道肅政廉訪司領之

錄事司中統二年詔驗民戶定爲員數二千戶以上設錄事司候判官各一員二千戶以下省判官不置 案紀至元二年詔諸路州府戶不滿千者可併則併之各投下者併入所隸州城其散府州郡戶少者不須更設錄事司及司候司附郭州縣止令州府官兼領

附錄

占城行中書省 案紀至元十八年立二十年併占城荆

湖行省爲一

緬中行尙書省 案紀至元二十七年罷

行泉府司 案紀至元二十五年二十六年屢見大德十一年陞行泉府司爲泉府院秩正二品至大元年增泉府院副使同僉各一員二年罷行泉府院以市舶歸之行省

江西等處行泉府司 案紀至元二十六年立二十八年罷

行大司農司 案紀至元三十年立元貞元年罷

行司農司 案紀至元二十七年罷

江淮行大司農司 案紀至元二十四年陞江淮行大司

農司事秩二品三十年江南行大司農自平江徙揚州  
兼管兩淮農事

勸農司 案紀中統二年初立勸農司至元七年添設巡

行勸農使副各四員十二年罷隨路巡行勸農官以其  
事入提刑按察司二十三年諸路分置六道勸農司二

十四年設勸農營田司六秩四品使副各二員隸行大

司農司二十五年增置淮東西兩道勸農營田司二十  
七年罷各道勸農營田司增提刑按察司僉事二員總

勸農事

營田提舉司 案紀至元十七年立從五品二十六年二

月省屯田六署爲營田提舉司二十八年陞營田提舉  
司爲規運提點所正四品大德七年罷營田提舉司

杭州行宣政院 案紀至元二十八年立治杭州延祐五  
年立行宣政院於杭州府設官八員

江南行通政院 案紀大德七年延祐七年至大四年俱  
書罷江南行通政院

江南行宣政院 案紀至大四年罷

行都水監 案紀至元十四年以行都水監兼行漕運司

本證三十一  
事大德八年從中書省臣言濬治吳江松江海口故道  
仍設行都水監以董其程十年陞行都水監爲正三品  
至大元年從江浙行省請罷行都水監以其事隸有司  
河南行都水監 案紀泰定二年立  
浙西都水庸田司 案紀大德二年立專主水利  
江南都水庸田司 案紀大德七年罷  
松江都水庸田使司 案紀泰定二年閏正月罷命州縣  
正官領之六月立都水庸田使司浚吳松二江三年置  
都水庸田司於松江掌江南河渠水利四年罷  
元史本證三十一

光緒十五年徐氏鑄學齋重刊

上虞王士濟校

元史本證卷三十一 證遺九

蕭山汪輝祖 男繼培補

百官志八

此卷專志順帝一朝序云掌故之文缺軼不完今據有司所送上者緝而載之以附前志然紀所書何多漏耶今皆案年補之惟異端襍職及為伯顏脫脫暫設者弗錄焉

中書省 案紀至正二十七年十一月命關係分省於晉寧

司禮監至正元年十二月復立 案紀至元六年正月立司

禮監二月罷在至正之前

規運提點所 案紀至正六年詔復立大護國仁王寺昭應

宮即會福總管府財用規運總管府十年以大護國仁王寺昭應宮財用規運總管府仍屬宣政院

徽政院 案紀至元元年正月立徽政院屬官侍正府

資正院 案紀至元元年四月立富平庫隸資正院

詹事院 案紀至正十三年六月以資政院所轄左右都威

衛屬詹事院

行中書省 案余闕傳至正十三年行中書於淮東改宣慰

司爲都元帥府治淮西

行樞密院 案紀至正十七年六月罷陝西行樞密院二十

三年三月立膠東行樞密院二十七年八月立行樞密院

于阿難答察罕腦兒

行宣政院 案紀至正二十七年五月有福建行宣政院

都水庸田使司 案紀至正十四年十二月罷

分司農司 案紀至正十三年三月立司牧署掌分司農司

耕牛十四年正月立遼陽等處漕運庸田使司屬分司農

司

茶運司元統元年十一月復置湖廣江西權茶都轉運司

案紀尙有江浙河南至正十四年十二月罷

各處寶泉提舉司 案紀至正十四年十二月罷

永昌等處宣慰使司都元帥府 案紀至正十七年五月屬



詹事院

河南宣慰司 案紀至正二十六年三月罷洛陽嵩縣宣慰司

附錄

京師南北城鹽局 案紀元統二年四月立

平伐都雲定雲宣撫司 至元元年三月立 三年作安撫司

繕工司 元統二年六月復立至元元年四月罷

察罕腦兒脫脫禾孫 至元元年七月立

船戶提舉司十處提領二十處 至元三年二月立六年

二月罷提舉司

宣鎮侍衛府 至元三年四月建

寧夏皮貨所 至元三年九月立設提領使副主之

廣福庫 至正元年二月立罷藏珍等庫

衛候司 至正元年四月復立

拱儀局 至正元年十二月復立

上都司獄司 至正二年七月立比大都兵馬司

永昌巡防捕盜所 至正三年十月增立

常平倉 至正三年十二月立

廣樣局 至正四年四月復立

四川行省惠民藥局 至正四年二月立

陝西行省惠民藥局 至正四年八月立

上都司天臺 至正八年六月立

直沽海津鎮鎮撫司 至正九年四月立

諸路寶泉都提舉司 至正十年十月置於京城十四年

十二月罷

淮西宣慰司 至正十二年六月王也速迭兒左遷添設

淮西宣慰使十三年六月也先不花為淮西添設宣慰

副使

玉田屯署 至正十三年三月立

儀衛司 至正十三年六月詔皇太子位下立設指揮二

員副指揮二員

安定州軍民安撫司 至正十五年八月立

便民六庫 至正十七年四月立於京師倒易昏鈔

分通政院 至正二十七年五月以知樞密院事失列門

為嶺北行省左丞相提調分通政院

選舉附錄

科目 案紀至正三年三月監察御史成遵等言可用終場

下第舉人充學正山長國學生會試不中者與終場舉人

同 十九年三月詔定科舉流寓人名額蒙古色目南人

各五十名漢人二十名五月察罕帖木兒請今歲八月鄉

試河南舉人及避兵儒士不拘籍貫依河南省元定額數就陝州置貢院應試詔從之 二十年正月知貢舉平章政事入都麻失里等奏舊例各處鄉試舉人三年一次取三百名會試取一百名今歲鄉試所取比前數少止有八十八名會試三分內取一分合取三十名如於三十名外添取五名爲宜從之 二十六年正月命燕南河南山東陝西河東等處舉人會試者增其額數進士及第以下遞陞官一級

食貨志三

本志歲賜一門爲元時創制其佚而見於紀者不容不補

稅糧賑恤之事則繁而不勝收矣兵刑諸志案紀亦尙多脫漏惟取其要者稍稍錄之蓋隨時更易不必皆爲定制

其也

睿宗子世祖次子裕宗位 案紀至元二十年撥忽蘭及塔

刺不罕等四千戶隸皇太子位下

太祖四大斡耳朵 案紀泰定三年增給歲賜銀二百錠鈔

八千錠

阿昔倫公主位 案紀至元二十年賜駙馬阿禿江南民千

戶阿禿卽公主表阿昔倫公主駙馬阿脫

月赤察兒怯薛 案紀至大三年賜太師淇陽王月赤察兒

清州民戶萬七千九百一十九

附錄

柏木兒 案紀至元十九年諸王撥信州民四百八戶

圻那顏 案紀太宗八年撥東平府戶 攷異云卽太祖紀哲別那顏

速哥 案本傳太宗時賜崞州民戶

安吉王乞台普濟 案紀至大三年賜安吉州民戶五百

兵志一

兵制 案紀至元二十年十月簽河西質子軍年及丁者充

軍

兵志二 案紀至元二十年十月簽河西質子軍年及丁者充軍

宿衛 案紀至元二十年詔五衛軍歲以冬十月聽十之五

還家備貲裝正月番上代其半還四月畢入役時各衛議

先遣七人而以三人自代從之二十九年樞密院臣言六

衛內領漢軍萬戶現存者六千戶撥分爲三力足以備車

馬者二千五百戶每甲令備馬十五匹牛車二輛力足以

備車者五百戶每甲令備牛車三輛其三千戶惟習戰鬪

不他役之六千戶外則供他役詔施行之

鎮戍 案紀至順元年七月江西建昌萬戶府軍戍廣海者

一歲更役來往勞苦詔仍至元舊制二歲一更

兵志三

腹裏所轄嶺北行省屯田大德三年以五條河漢軍悉併入稱海 案紀大德四年罷稱海屯田改置於阿札之地至治三年罷稱海宣慰司及萬戶府改立稱海屯田總管府至正八年復立五道河即五條河屯田 河南行省所轄洪澤萬戶府屯田 芍陂屯田萬戶府 德安等處軍民屯田總管府 案紀至正元年命屯儲禦軍於河南芍陂洪澤德安三處屯種 陝西等處行中書省所轄陝西屯田總管府 案紀至大四年十一月命延安鳳翔安西軍屯田紅城者還陝西屯田

十二月復以陝西屯田軍三千隸紅城萬戶府

附錄

湖廣黎民屯田萬戶府 案紀元統二年十月立統千戶

一十三所每所兵千人屯戶五百皆土人爲之官給田

土牛種農器

軍州萬戶府 案紀至正二十年正月以鞏縣改立招民

屯種

刑法志一

衛禁 案紀至順元年八月各宿衛復有容匿漢南高麗人及奴隸濫充者怯辭官與其長杖五十七犯者與曲給散

者皆杖七十七沒家貲之半以籍入之半爲告者賞

職制上 案紀至順元年十月御史臺臣言內外官吏令家人受財以其干名犯義罪止四十七解任今貪汚者緣此犯法愈多請依十二章計贓多寡論罪從之 二年六月詔諸官吏在職役或守代未任爲人行賂關說卽有所取者官如十二章論贓吏罷不敘終其身雖無所取訟起滅由己者罪加常人一等

刑法志二

職制下 案紀大德八年四月詔諸路畏吾兒合迷里自相訟者歸都護府與民交訟者聽有司專決

軍律 案紀大德六年正月詔千戶百戶等自軍逃歸先事而逃者罪死敗而後逃者杖而罷之沒入其男女

刑法志三

食貨諸犯私鹽者 案紀至順三年十月定婦人犯私鹽罪盜賊 案紀元統二年七月詔蒙古色目人犯盜者免刺後至元二年八月詔強盜皆死盜牛馬者劓盜驢騾者黥額再犯劓盜羊豕者墨頂再犯黥三犯劓劓後再犯者死盜諸物者照其數估價

刑法志四

禁令 案紀至元二年四月禁民間私造格例禁服麒麟鸞

鳳白兔靈芝雙角五爪龍入龍九龍萬壽福壽字赭黃等  
服 三年四月禁漢人南人高麗人不得執持軍器禁漢  
人南人不得習學蒙古色目文字 五年十月禁倡優盛  
服許男子裹青巾婦女服紫衣不許戴笠乘馬 六年正  
月詔諸王侯不得懸帶弓箭環刀輒入內府

元史本證三十二

光緒十五年徐氏鑄學齋重刊

上虞王士濟校

鳳白兔靈芝雙角五爪龍八龍九龍萬壽福壽字赭黃等



